



Ofisa o Fuainumera Faamauina

Tala o le Tamaoaiga

Kuata o Iuni 2019

Aotelega

25 Oketopa 2019

Otootoga:

- Siitia le tamaoaiga i le 5.6%.
- Tamaoaiga fua i tau o oloa o le 2013 (real): WST 511.2 miliona
- Tamaoaiga fua i suiga o le tau o oloa i totonu o le kuata (nominal) - WST 554.3 miliona.

Mataupu o i le ripoti:


Folamua & Aotelega	1
Faapaseneina o le suiga o le tamaoaiga	1-2
Suiga o le Tamaoaiga	2
Faapaseneina o le sao o Vaega Maoti i le tamaoaiga.	2
Tamaoaiga o le Kuata	3-9
Iloiloga o le Tamaoaiga ma Atina'e mo le Lumana'i	10-14
Pepa Faapoopo - Tamaoaiga i ona Vaega Maoti	

E 5.6% na siitia ai le tamaoaiga o le atunuu i le kuata o Iuni 2019; o le lona fa ai lea o kuata o loo alualu pea i luga le tamaoaiga. O le aofaiga o le tamaoaiga pe a fua i tau o oloa o le tausaga 2013 (real GDP) e \$511.2 miliona; o loo faamauina ai o le maualuga tulaga fa i le faatulagana o le tamaoaiga na ausia talu mai le amataga o le fua-faatatau o le tamaoaiga. O le siitaga o le tamaoaiga i lona aotelega na afua ona o le tulaga lelei o le tamaoaiga maua mai i le Vaega o Auaunaga (Tertiary Sector) ma Oloa Gaosi (Secondary Sector) pe a fua i lona vaevaeina i vaega tetele o le tamaoaiga o loo fai sao i le atina'e o le atunuu. E 18.0 pasene na siitia ai le tamaoaiga o le Vaega o Oloa Gaosi; na siitia uma vaega e fa o loo aofia i lea vaega faatusa i le kuata o Iuni 2018. Na siitia foi le tamaoaiga maua mai i le vaega o Auaunaga i le 3.8%; na maitauina siitaga i vaega e 7 mai ile aofai e 9 o lea vaega maoti i le kuata o Iuni 2019.

Suiga o le Tamaoaiga:

E 5.6% na siitia ai le tamaoaiga i le kuata o Iuni 2019 pe a fua agai le kuata o Iuni 2018; i lona aofaiga ua faataaiaina mai i tau o oloa o le tausaga 2013 (real GDP) e \$511.2 miliona. Ua sosoo lea ma le siitaga i le tamaoaiga e 1.8% na ausia i le kuata o Mati 2019. O le kalafi I o loo faaalai ai le tamaoaiga pe a fua i le


Kalafi 1: Tamaoaiga ma suiga, Iuni 2015 - Iuni 2019



tausaga faavae (2013) faatasi ai ma le suiga i pasene o le tamaoaiga fua i le kuata o le tausaga ua te'a amata mai i le kuata o Iuni 2015 seia oo mai i le kuata o Iuni 2019. O le siitaga i le tamaoaiga i le kuata o loo iloiloaina o loo o gatasi ma le anoanoai o gaoiga faatino i totonu o le piriota.

O le kalafi 2 o loo faapaseneina ai saofaga a vaega maoti

Kalafi 2: Faapaseneina o le sao o Vaega Maoti taitasi i le tamaoaiga, Kuata o Iuni 2019



ile siitaga e 5.6% o le tamaoaiga i le kuata o Iuni 2019. O le alualu i luma o le tamaoaiga e mafua mai i gaoiga i vaega e pei o Fefaatauaiga, Vaega Gaosi Meaai ma vai inu, Galuega Tetele, Fesootaiga, Faletalimalo & Faleaiga, Faatoaga faapea Eletise ma le Suavai i o latou sao i vaega taitasi e 3.5 pasene, 0.9 pasene, 0.9 pasene, 0.7 pasene, 0.6 pasene, 0.5 pasene ma le 0.5 pasene.


O loo faauau pea ona siitia le tamaoaiga maua mai i le Vaega o Fefaatauaiga ma faatumauna ai pea lona avea ma vaega maoti pito sili lona tele i le tamaoaiga o le atunuu. O le kuata lona ono leni ua faamauina ai le lelei pea o le tamaoaiga i totonu o lea vaega. O lea tulaga lelei ua ausia ona o le malosi o fefaatauaiga i oloa siitaga ma fefaatauaiga o meaai, vai inu, sikareti, oloa tau aoga, oloa faufale, oloa tau kasa faapea fefaatauaiga o tavaale. O loo o gatasi lava lea siitaga o le tamaoaiga ma le siitia foi o tupe maua a le Malo i le 12.6% mai tagata tafafao

mai fafo ma le 1.5% ua maualuga ai tupe maua mai aiga i fafo fua i le kuata lava lea o le tausaga ua te'a. O gaoiga faatino i galuega tetele na siitia fo'i i le 12.5% faatusa i le kuata o luni 2019 ona ole anoanoa'i o poloketi ma fausaga tetele i totonu o le piriota. E \$38.4 miliona le tamaoaiga fua i le tausaga faavae (2013) o le Vaega o Galuega Tetele; o le aofa'iga lona tolu lea lona maualuga ua mafai ona ausia e lea vaega talu ona amataina riporti faa-le-tamoaiga o le atunuu. Ua faamauina foi le siitia ai o le tamoaiga maua i le vaega o Fesootaiga i le kuata o loo iloiloaina sosoo ai ma le tulaga maualalo sa ia ausia i le kuata o Mati 2019. I le isi ona itu, o vaega maoti na maualalalo o latou tamoaiga ausia fua i le kuata lava lea o le tausaga ua te'a e aofia ai le vaega o Auaunaga faa-pisinisi, Auaunaga taitotasi & Isi faatasi ai ma Faigafaiva i o latou sao e -1.8, -0.5 ma le -0.4 pasene i le aotelega o le tamoaiga o le atunuu.

Aotelega o le tamoaiga, fua i le tau o oloa i totonu o le kuata (Nominal):

O le aofaiga o le tamoaiga pe a fua i le tau o oloa i totonu o le kuata o luni 2019 e \$554.3 miliona. Ua siitia i le 8.0% mai i le aofaiga sa iai i le kuata lava lena o le tausaga ua te'a; e afua lea ona o le tulaga lelei o tamoaiga maua mai vaega e pei o Fefaatauaiga, Faatoaga, Galuega Tetele faapea Faletalimalo ma Faleaiga i siitaga o vaega taitasi e 14.9%, 25.5%, 11.6% ma le 33.4% faatusa i o latou tamoaiga maua i le kuata o luni 2018.

Kalafi 3: Pasene o Vaega Maoti, Kuata o Iuni 2019




O loo faamanino mai i le kalafi 3 pasene o le sao o vaega maoti o le tamoaiga mo le kuata o luni 2019. O le vaega 3 (Tertiary sector) o loo avea pea ma vaega o loo tele lo latou sao i le tamoaiga; na faamauina lona sao e 65.7% i le aofai o le tamoaiga i totonu o le kuata. Ua pau lona sao i le 1.2 pasene faatusa i le kuata lava lea o le tausaga ua te'a. O le maualuga i le tamoaiga a vaega o Fefaatauaiga ma Faletalimalo e le'i gafatia le pa'u maualalo i tamoaiga o isi vaega maoti i totonu o le Vaega 3. Na sosoo ai le Vaega o Oloa gaosi (Secondary sector); na maituaina ai le siitia i le 2.0% mai vaega taitasi o loo aofia i lea vaega (Vaega 2) faatusa i le kuata lava lea o le 2018. E 9.7% le sao o le Vaega I (Primary sector) i le tamoaiga, siitia i le 0.3% pe a fua i le kuata o le tausaga ua tuana'i. O lea tulaga lelei na mafua ona o le siitia o le tamoaiga maua mai i fua o faatoaga fua i le kuata o luni 2018. Na faaititia le tamoaiga maua mai i le Vaega a le Malo i le 0.1% fua i le kuata lava lea o le tausaga 2018.

Iloiloga o le sefululua masina: (Iuni 2018 - Iuni 2019)

O le aofaiga o le tamoaiga mo le tausaga faaletupe pau mai i a luni 2019 pe a fua i le suiga o tau o oloa i totonu o le tausaga (current market prices) e \$2,105.7 miliona siitia ai i le 5.7% mai le tausaga ua mavae. O le aofaiga o le tamoaiga pe a fua i le faitau aofai tagata i le tausaga na faamauina ai le aofai e \$11,123 (GDP per capita); siitia i le 4.8% pe a faatusa i le tausaga faaletupe faaiu ia luni 2018.


O le aofaiga o le tamoaiga fua tau o oloa o le 2013 na faamauina le \$2,014.9 miliona i le tausaga faaiu ia luni 2019, ma na siitia foi lona sao i le 3.5% fua ile tamoaiga e \$1,973.5 ile tausaga faaiu ia luni 2018. O le tamoaiga pito sili lea ona maualuga ua ausia i totonu o le 10 tausaga faaletupe faaiu ia luni.

Kalafi 4: Gasologa o le Tamoaiga, Iuni 2014/15 - 2018/19



O loo faamanino mai i le kalafi 4 le gasologa mai o le tamoaiga i le tausaga faaletupe faaiu ia luni. O loo faamauina ai le siitia o le tamoaiga i le tausaga faaiu ia luni 2018/19 sosoo ai ma le pau i le tamoaiga i le tausaga faaletupe 17/18. O le siitia ai o le tamoaiga ile 2018/19 na faavae mai lea i le faatuputupuia o le tulaga lelei faatino i nisi o vaega maoti e aofia ai le Vaega o Fefaatauaiga, Eletise & Suavai, Vaega a le Malo, Felauaiga faapea Vaega Gaosi Meaai & vai inu i o latou siitaga e 2.9, 0.8, 0.4, 0.4 ma le 0.4 pasene o o latou sao i le aofai o le siitaga e 3.5% i le tamoaiga, ua na'o nai vaega na faamauina le pau o le tamoaiga maua mai ai e pei ona faaalai i le Kalafi 5.

Kalafi 5: Faapaseneina o le sao o Vaega Maoti taitasi i le tamoaiga, Iuni 2018/19




Iloiloga o Vaega Maoti taitasi

VAEGA O FAATOAGA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	33.4	46.2	42.0	-9.1	25.5
Tamaoiga (fua ile tausaga 2013) Tala Samoa (\$'000)	35.8	40.4	38.3	-5.3	6.9
Sao o Vaega i le suiga i le kuata (pasene)	-1.7	-0.2	0.5		
Saofaga i le tuufaatasiga faa-le-kuata (tamaoiga i pasene)	6.5	8.3	7.6		

Kalafi 6: Suiga i Pasene o le Vaega o Faatoaga (fua ile tausaga e 2013), Iuni 2015 - Iuni 2019

Na faamauina le aotelega o le tamaoiga fua i le tausaga 2013 ile Vaega o Faatoaga e \$38.3 miliona. Na siitia i le 6.9% fua i le kuata lava lea o le tausaga 2018. O loo atagia ai i le faainumera le siitia o le faitau aofai o fua o faatoaga o loo faaogaina i totonu o aiga. O fua o faatoaga o loo faatauina i maketi e pei o fa'i (siitia i le 386.7%), ufi (siitia i le 174%), ulu (siitia i le 45.2%), niu (siitia i le 21.6%) ma kapis lapotopoto (siitia i le 1.7%). O le tamaoiga maua mai i lafumanu na siitia i le 4.4% fua i le kuata lava lea o le tausaga ua te'a; o oloa auina atu i fafo ua faalua lona aofa'i fua i oloa o le kuata o Iuni 2018.

O le aotelega o le tamaoiga i totonu lava o le kuata e \$42.0 miliona, ua siitia i le 25.5% faatusa i le kuata o Iuni o le tausaga ua te'a.




FAIGAFAIVA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	14.6	11.2	11.8	5.3	-19.7
Tamaoiga (fua ile tausaga 2013) Tala Samoa (\$'000)	10.8	8.6	8.6	-0.6	-20.1
Sao o Vaega i le suiga i le kuata (pasene)	-0.2	0.1	-0.4		
Saofaga i le tuufaatasiga faa-le-kuata (tamaoiga i pasene)	2.9	2.0	2.1		

Kalafi 7: Suiga i Pasene o Faigafaiva (fua i le tausaga e 2013), Iuni 2015 - Iuni 2019

Na faamauina le pau o le tamaoiga i le vaega o Faigafaiva i le 20.1% fua i le kuata lava lea o le tausaga 2018; ua toe pau ai le tamaoiga i Faigafaiva talu mai lona tulaga lelei i le kuata o Mati 2019.

O lea tulaga faaletonu o loo atagia ai le pau i le 26.3% ma le 2.9% o le tamaoiga maua mai i faiva o le aloalo ma tuaau (faamauina i suesuega a le Matagaluega o Faatoaga) faatauina i maketi i totonu o le atunuu. E -0.4 pasene lona pau i le sao o le tamaoiga pe a fua i le tuufaatasiga o le kuata i lona aotelega.




Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	16.8	24.2	19.7	-18.5	16.8
Tamaoiga (fua ile tausaga 2013) Tala Samoa (\$'000)	16.3	21.7	20.6	-5.0	26.2
Sao o Vaega i le suiga i le kuata (pasene)	0.0	0.4	0.9		
Saofaga ile tuufaatasiga faa-le-kuata (tamaoiga i pasene)	3.3	4.4	3.6		

Kalafi 8: Tamaoiga maua mai Oloa Gaosi o Meaai & Vai Inu ma le suiga mai i kuata taitasi i pasene, Iuni 2015 - Iuni 2019

Ua faamauina le siitia ai o le tamaoiga maua o le vaega maoti lenei i le 26.2% i le kuata o loo iloiloaina; e \$20.6 miliona lona tamaoiga fua i le tausaga faavae 2013. O le lona tolu ai lea o kuata o tulaga lelei pea le tamaoiga o le nei vaega maoti pei ona faaalua i le Kalafi 8. E 0.9% na faisaofaga ai le vaega i le tuufaatasiga i le kuata pe a iloiloaina le gasolaga o le tamaoiga i lona faapaseneina.

O le tulaga lelei i le nei Vaega maoti o loo atagia ai le siitia o le aofai o meaai ma vai inu gaosi i totonu o le atunuu i le kuata o loo iloiloaina. Na maitauina foi le siitia o le fuainumera o tagata faigaluega ile 4.1% mo le Vaega o Gaosia Meaai ma Vai Inu.




VAEGA O ISI OLOA GAOSI	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	12.5	13.6	14.0	3.5	12.4
Tamaoiga (fua ile tausaga 2013) Tala Samoa (\$'000)	9.5	10.9	11.6	6.1	21.7
Sao o Vaega i le suiga i le kuata (pasene)	-2.3	0.5	0.4		
Saofaga ile tuufaatasiga faa-le-kuata (tamaoiga i pasene)	2.4	2.4	2.5		

Kalafi 9: Tamaoiga maua mai le Vaega o isi Oloa Gaosi, Iuni 2015 - Iuni 2019

A fua i le tau o oloa i totonu o le kuata, o le tamaoiga maua mai le vaega o Isi Oloa Gaosi e \$14.0 miliona mo le kuata le nei. Na siitia lea aofaiga i le 12.4% pe a fua i le aofaiga sa i ai i le kuata lava lenei o le tausaga ua mavae.

Na maualuga le tamaoiga fua i le tausaga faavae 2013 i totonu o le vaega maoti i le 21.7%. O lea tulaga lelei na fesoasoani malosi iai le siitaga i le aofai o oloa gaosi i totonu o le atunuu e pei o mea faufale faapea sikareti. A fua i le tamaoiga sa iai i le kuata o Mati 2019, ua siitia le aofai o le tamaoiga i totonu o le vaega maoti lenei ile 6.1%.




Iloiloga o Vaega Maoti taitasi

GALUEGA TETELE	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	35.7	40.1	39.8	-0.7	11.6
Tamaoiga (fua ile tausaga 2013) Tala Samoa (\$'000)	34.1	38.6	38.4	-0.6	12.5
Sao o Vaega i le suiga i le kuata (pasene)	1.4	1.6	0.9		
Saofaga ile tuufaatasiga faa-le-kuata (tamaoiga i pasene)	7.0	7.2	7.2		

Kalafi 10: Tamaoiga maua mai le Vaega o Galuega Tetele ma le suiga mai i kuata taitasi i pasene, Iuni 2015 - Iuni 2019

E \$38.4 miliona le aofai o le tamaoiga fua i le tausaga faavae 2013 a le Vaega o Galuega Tetele; ua siitia i le 12.5% lona tamaoiga faatusa i le kuata o Iuni 2018. Ua faalua ai nei ona ausia leni tulaga maua e leni vaega maoti talu mai le amataga o fuainumera faamauiina o le tamaoiga a le atunuu.

O le alualu i luma o le vaega maoti o loo atagia ai faatinoga faauau i poloketi fou ma atina'e tetele i le talafatai o Apia, auala laupapa sima i Vaisigano, o galuega tetele i maota fausia i totonu o le kuata faapea ma isi. O le faatuputupulaia ai o galuega tetele faatino na fesoasoani e ausia le sao a lea vaega e 0.9 pasene i lie siitaga i le kuata o loo iloiloina. Na siitia ai foi le saofaga i le tuufaatasiga faa-le-kuata ia Iuni 2019 i le 7.2% fua ile kuata o Iuni 2018 e 7.0% lona sao.




ELETISE MA SUAVAI	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati	Suiga i % fua i le kuata o Iuni
Tamaoiga (fua kuata) Tala Samoa (\$'000)	13.7	16.1	16.4	2.1	20.4
Tamaoiga (fua ile tausaga 2013) Tala Samoa (\$'000)	12.8	15.3	15.3	0.2	19.3
Sao o Vaega i le suiga i le kuata (pasene)	-1.1	0.2	0.5		
Saofaga ile tuufaatasiga faa-le-kuata (tamaoiga i pasene)	2.7	2.9	3.0		

Kalafi 11: Tamaoiga maua mai le Vaega o Eletise & Suavai Iuni 2015 - Iuni 2019

E \$15.3 miliona le aofai o le tamaoiga o le Vaega o Eletise ma Suavai pe a fua i le tau o oloa o le tausaga faavae 2013, ua siitia ai i le 19.3% pe a fua i le kuata o Iuni o le tausaga ua mavae. Ua faamauiina ai le fa o kuata sosoo o loo maua lona tamaoiga. O lea tulaga lelei na maitauina ai le maua o le eletise gaosi ma le suavai i le 14.4% ma le 25.3%.

O le saofaga i le tuufaatasiga i le tamaoiga i totonu o le kuata na siitia i le 0.3 pasene; e faapena foi ona siitia ai le saofaga i le tuufaatasiga o le kuata o le aotelega o le tamaoiga i le 0.5 pasene.




Iloiloga o Vaega Maoti taitasi

FEFAATAUAIGA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	161.3	180.9	185.4	2.5	14.9
Tamaoiga (fua ile tausaga 2013) Tala Samoa (\$'000)	150.4	165.2	167.3	1.3	11.3
Sao o Vaega i le suiga i le kuata (pasene)	0.5	0.1	3.5		
Saofaga ile tuufaatasiga faa-le-kuata (tamaoiga i pasene)	31.4	32.6	33.4		

Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Iuni 2015 - Iuni 2019

O le vaega o Fefaatauaiga o loo numera tasi pea lona aotelega i le tamaoiga maua o le atunuu mo le kuata o loo iloiloaina, ma sa mafai ona faamauina ai le 33.4% lona sao i le tuufaatasiga faa-le-kuata. E \$167.3 miliona na faamauina ai le tamaoiga o le vaega pe a fua i tau o oloa o le tausaga faavae 2013, ma ua maitauina ai o le tolu ai lea o kuata o maua luga pea le tulaga siitia o le vaega talu mai ona amata fua le tamaoiga o le atunuu. E \$185.4 miliona lona tamaoiga i totonu o le kuata ua maua luga ai i ile 14.9% fua i lona maua luga sa ausia i le kuata o Iuni 2018. O le tulaga maoae na oo iai le vaega na afua lea ona o le faatuputupulaia pea lea o le tamaoiga maua mai i fefaatauaiga o oloa e pei ona iai oloa siiatoa, oloa o meai & vaiinu, oloa tau sikareti, oloa faaoga i galuega tetele, penisini ma isi kasa faapea oloa mo manaoga masani. O loo o gatasi lava le siitaga i le tamaoiga o le vaega faapea le siitaga o tupe maua mai turisi asiasi mai i totonu o le atunuu ma tupe lafoina mai fao i le 12.6% ma le 1.5%.




FALETALIMALO MA FALEAIGA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	10.3	11.6	13.7	18.0	33.4
Tamaoiga (fua ile tausaga 2013) Tala Samoa (\$'000)	9.5	10.5	12.4	18.5	29.8
Sao o Vaega i le suiga i le kuata (pasene)	-0.1	0.6	0.6		
Saofaga ile tuufaatasiga faa-le-kuata (tamaoiga i pasene)	2.0	2.1	2.5		

Kalafi 13: Tamaoiga maua mai i Faletalimalo & Faleaiga ma le suiga mai i kuata taitasi i pasene, Iuni 2015 - Iuni 2019

E \$12.4 miliona le aofaiga o le tamaoiga fua i le tausaga faavae 2013 na maua mai i le nei vaega maoti, na faamauina le siitaga e 29.8% fua i le kuata lava lea o le tausaga ua te'a. O se tasi nei o vaega maoti sa tulaga lelei lona sao i le atinaeina o le tamaoiga o le atunuu e pei ona faamauina ai le 0.6% o le saofaga i le tuufaatasiga faalekuata i le piriota o loo iloiloaina.

O le tulaga lelei na maitauina mai i lea vaega sa afua mai i le siitia o le fuainumera o tagata asiasi mai mo tafaoga faapea mataupu tau pisinisi fua i le fuainumera o e na malaga mai i le kuata o Iuni 2018.




Iloiloga o Vaega Maoti taitasi

FELAUAIIGA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	19.4	20.7	19.8	-4.3	2.1
Tamaoiga (fua ile tausaga 2013) Tala Samoa (\$'000)	18.0	19.3	18.2	-5.7	1.0
Sao o Vaega i le suiga i le kuata (pasene)	0.1	0.8	0.0		
Saofaga ile tuufaatasiga faa-le-kuata (tamaoiga i pasene)	3.8	3.7	3.6		

Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Iuni 2015 - Iuni 2019

A fua i le tau o oloa sa iai i le 2013, o le aofaiga o le tamaoiga mo le vaega ua faamauina mo le kuata o Iuni 2019 e \$18.2 miliona. Na siitia i le 1.0% lona tamaoiga fua i le kuata o Iuni 2018. O le tulaga lelei na iai le tamaoiga maua a le vaega maoti e afua mai lea ona o le siitia o le tupe maua mai le felauaiga o uta ma faamomoli faapea le felauaiga o oloa i fale teuolaa. E le'i iai tele sona sao i le tuufaatasiga faalekuata e 0.0 pasene i le kuata o loo iloiloaina ae e 0.8 pasene i lona sao na ausia i le kuata ua te'a (Mati 2019).

Pe a fua i le kuata o Mati 2019, na faamauina ai le pau e 5.7% fua i le tau o oloa o le tausaga faavae mo le kuata le nei.




FESOOTAIGA	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	34.0	28.3	35.7	25.9	5.0
Tamaoiga (fua ile tausaga 2013) Tala Samoa (\$'000)	29.2	24.2	32.4	33.6	11.0
Sao o Vaega i le suiga i le kuata (pasene)	-0.8	-0.8	0.7		
Saofaga ile tuufaatasiga faa-le-kuata (tamaoiga i pasene)	6.6	5.1	6.4		

Kalafi 15: Tamaoiga maua mai i Fesootaiga ma le suiga mai i kuata taitasi i pasene, Iuni 2015 - Iuni 2019

I lona aotelega, e 11.0% ua siitia ai le tamaoiga a le vaega maoti i lona aofai e \$32.4 miliona pe a fua i le kuata o Iuni 2018. E 0.7 pasene le sao o le vaega maoti i le tamaoiga i lona tuufaatasiga o le kuata. Ua o gatasi lea siitaga ma le siitia ai foi o le fuainumera o tagata faigaluega i totonu o le nei vaega maoti i le 2.0%. Na pau le sao o le vaega i le tuufaatasiga faa-le-kuata i le 0.2 pasene i le 6.4% faatusa i le kuata o Iuni 2018.

E \$35.7 miliona le aofai o le tamaoiga a le vaega pe a fua i le suiga o tau o oloa i totonu o le kuata, ma sa maitauina ai foi le siitia ai o le tamaoiga maua mai i le vaega maoti lenei i le 5.0% faatusa i le kuata lava lea o le tausaga ua te'a.




Iloiloga o Vaega Maoti taitasi

AUAUNAGA FAAPISINISI	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	22.2	18.3	13.9	-23.8	-37.4
Tamaoiga (fua ile tausaga 2013) Tala Samoa (\$'000)	23.2	18.4	14.4	-21.6	-38.0
Sao o Vaega i le suiga i le kuata (pasene)	1.0	-1.7	-1.8		
Saofaga ile tuufaatasiga faa-le- kuata (tamaoiga i pasene)	4.3	3.3	2.5		

Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Iuni 2015 - Iuni 2019

Na faamauina e \$14.4 miliona le aofaiga o le tamaoiga maua mai i auaunaga faapisinisi mo le kuata o Iuni 2019. E 38.0% ua pau ai mai le tausaga ua mavae ma ua fa ai nei kuata o faamauina pea le pau ai o le tamaoiga i totonu o lenei vaega. E faamaonia lea tulaga ona o le faaitiitia o auaunaga a le vaega tumaoti ma vaega faapisinisi o loo faaogaina e le mamalu o le atunuu lautele. O le Vaega o Auaunaga faapisinisi na tele le pau o lo latou sao i le aotelega o le tamaoiga i le -1.8 pasene. E 2.5 pasene lona sao i le tuufaatasiga o le tamaoiga i totonu o le kuata o Iuni 2019; na faapena foi ona pau maualalo lona sao i le suiga o le tamaoiga i le kuata i le -1.8 pasene mai i le 4.3 pasene o lona sao i le kuata o Iuni 2018.




AUAUNAGA TAITOATASI & ISI	Tamaoiga Iuni 2018	Tamaoiga Mati 2019	Tamaoiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoiga (fua kuata) Tala Samoa (\$'000)	18.3	14.9	16.0	7.5	-12.8
Tamaoiga (fua ile tausaga 2013) Tala Samoa (\$'000)	17.6	14.0	15.2	8.8	-13.3
Sao o Vaega i le suiga i le kuata (pasene)	0.1	-0.4	-0.5		
Saofaga ile tuufaatasiga faa-le- kuata (tamaoiga i pasene)	3.6	2.7	2.9		

Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Iuni 2015 - Iuni 2019

O le vaega maoti o auaunaga taitoatasi ma isi na faamauina le pau o lona tamaoiga i le 13.3% fua i tau o oloa o le tausaga faavae 2013 pe a faatusa i le kuata o Iuni 2018; ua faamanino mai ai foi o le lona fa ai lea o kuata o tulaga faaletonu lava le tulai mai a le vaega pe a fua i isi kuata ua mavae. E \$15.2 miliona le aofai o le tamaoiga fua i le tausaga faavae 2013 o le vaega na faamauina i le piriota nei. Na pau lona sao i le 0.5 pasene fua i le aotelega o le tamaoiga.

I le tamaoiga i totonu o le kuata, e 12.8% na pau ai le vaega o Auaunaga taitoatasi & isi fua i le kuata lava lea o le tausaga ua te'a.




Iloiloga o Vaega Maoti taitasi

VAEGA A LE MALO	Tamaoaiga Iuni 2018	Tamaoaiga Mati 2019	Tamaoaiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoaiga (fua kuata) Tala Samoa (\$'000)	43.4	45.9	46.6	1.6	7.3
Tamaoaiga (fua ile tausaga 2013) Tala Samoa (\$'000)	36.0	36.1	36.4	0.9	1.3
Sao o Vaega i le suiga i le kuata (pasene)	0.2	0.1	0.1		
Saofaga ile tuufaatasiga faa-le-kuata (tamaoaiga i pasene)	8.5	8.3	8.4		

Kalafi 18: Tamaoaiga maua mai le Vaega a le Malo ma le suiga mai i kuata taitasi i pasene, Iuni 2015 - Iuni 2019

E 1.3% ua siitia ai le tamaoaiga maua mai le Malo ile kuata o Iuni 2019 fua ia Iuni 2018. Na faamauina le aofai e \$36.4 miliona le tamaoaiga fua i le tausaga faavae 2013 ma lona sao i le suiga o le tamaoaiga e 0.1 pasene. O tulaga alualu i luma i le vaega o loo atagia ai le siitia o le tamaoaiga maua mai i auunaga mo tagata lautele e pei o auunaga faa-le-pulega, faa-le-tulafono, tau-tupe ma isi i soo se vaega o le malo faatasi ai ma le faasoaina lelei o le tamaoaiga mo le soifua lautele o le atunuu.

Na faamauina le siitia o le tamaoaiga ale vaega maoti i totonu o le kuata ile 7.3%. O loo faatumauina pea lona taumafai i le tulaga tolu o vaega e pito i tele lo latou sao i le tuufaatasiga o le tamaoaiga ma lona sao e 8.4%.




AUAUNAGA FAA-FALETUPE	Tamaoaiga Iuni 2018	Tamaoaiga Mati 2019	Tamaoaiga Iuni 2019	Suiga i % fua i le kuata o Mati 2019	Suiga i % fua i le kuata o Iuni 2018
Tamaoaiga (fua kuata) Tala Samoa (\$'000)	45.3	50.3	46.7	-7.3	3.1
Tamaoaiga (fua ile tausaga 2013) Tala Samoa (\$'000)	49.8	51.5	50.8	-1.5	2.0
Sao o Vaega i le suiga i le kuata (pasene)	0.8	0.4	0.2		
Saofaga ile tuufaatasiga faa-le-kuata (tamaoaiga i pasene)	8.8	9.1	8.4		

Kalafi 19: Tamaoaiga maua mai ile Vaega o Auaunaga Faa-faletupe ma le suiga mai i kuata taitasi i pasene, Iuni 2015 - Iuni 2019

O loo faaauu pea ona siitia le tamaoaiga maua mai i le Vaega o Auaunaga Faa-faletupe; na faamauina i le kuata o loo iloiloia le \$50.8 miliona mai i le \$49.8 miliona a le vaega i le kuata o Iuni 2018. Ua siitia i le 2.0% pe a fua i le kuata lava lea o le tausaga ua te'a. O le agaigai pea i luga o le tulaga lelei i totonu o le vaega na afua mai i le tele o gaioiga i faletupe aua le faamalieina o manaoga tau tupe ma inisiaua.

O le sao o le vaega i le tuufaatasiga o le tamaoaiga faa-le-kuata e 8.4 pasene; e 0.2 pasene lona sao i le suiga o le tamaoaiga o le kuata. A faatusa i le kuata o Mati 2019, na pau lona tamaoaiga fua i le tausaga faavae 2013 i le 1.5%.



FAAMATALAGA, SUIGA & ATINAE FOU I FAAMAUMAUGA O LE TAMAOAIGA

FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagata ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloilo i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma taiala e tuufaatasia ai faamaumauga tau tamaoaiga.

O lenei ripoti faalekuata ua tolu a'i ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2013 (GDP estimates at 2013 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina www.sbs.gov.ws.

FUAINA O LE TAMAOAIGA

O faamaumauga i le tamaoaiga o se taiala aloaia ua faaogaina e Samoa e mataitu ai lona tamaoaiga. Ua faaogaina le taiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

Vaevaeina o Vaega Maoti o le Tamaoaiga: O pepa faapoopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le taiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei taiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)
- Vaega Lua poo le Vaega o Oloa Gaosi (Oloa Gaosi, Galuega Tele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siatoo, Faleoloa laiti ma faletalimalo, felauaiga, falemeli ma fale faaputuloa, auaunaga faafaasalalauga ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienitisi, tomai faapitoa, auaunaga lautele, auaunaga faaleMalo, saogalemu, aooaga, soifua maloloina, faatufugaga o tomai eseese ma isi auaunaga.

SUIGA

E ono suia faamaumauga ua tuuina atu i le nei ripoti i le lumanai ona o suiga i fuainumera o loo tuuina mai..



Aliimuamua Malaefono Taua-T. Faasalaina

GOVERNMENT STATISTICIAN



Ofisa o Fuainumera Faamauina

Vaaiga Taula'i:

**"Avea le Ofisa o Fuainumera Faamauina
ma taitai i le tuufaatasia ma le tuuina atu
o fuainumera faamauina sa'o ma le**

Vaega o Faamaumauga tau Tupe ma le Tamaoaiga
Maota FMFMII, Fogafale 2 Pusa Meli 1151
Apia, Samoa

Telefoni: (685) 62006 / 29326

Telesi: (685) 24675

Imeli: fsd@sbs.gov.ws